



Pōti i te pōtitanga motuhake o Tauranga

Ka tīmata te pōti i te pōtitanga motuhake o Tauranga hei te Rāhoroi te 4 o Hune. Ko tō whai wāhitanga whakamutunga mō te pōti ko te rā pōti, Rāhoroi te 18 o Hune.

Me whakarite kua rēhita koe, ā, kei te tika ō taipitopito.

Kia āhei koe ki te pōti, me rēhita koe. Me mātua rēhita koe mēnā 18 tau tō pakeke, neke atu rānei, he kirirarau hoki, kainoho tūturu rānei nō Aotearoa, ā, neke atu i te 12 marama rānei tō noho ki Aotearoa i te wā kotahi. Ka āhei anake koe ki te pōti i te pōtitanga motuhake o Tauranga mēnā kua rēhita koe ki te rohe pōti whānui o Tauranga.



Me moata te rēhita kia tere ai, kia māmā ai te pōti

Mēnā ka rēhita koe i mua o te Wenerei 11 o Mei, ka whiwhi koe i tētahi mōki EasyVote i rō mēra i te 2 wiki i mua o te rā pōti.

Kei roto i tō mōki EasyVote ngā tohutohu ki a koe mō te wā e taea e koe te pōti, ā, me te hunga hei pōti. Kei roto anō i tō mōki ko tō kāri EasyVote e hāngai ana ki a koe, kia tere ake, kia māmā ake ai te pōti. Ka taea tonu te pōti me te kore kāri EasyVote, engari he roa ake pea.

Ka taea e koe te rēhita ā muri i te Wenerei 11 o Mei, tae atu ki te rā pōti, engari kāore koe e whiwhi i tō kāri EasyVote. Me tuku pōti motuhake anō koe, ā, he roa ake tēnei.



Me rēhita, me tiroiro, me whakahou tuihono rānei i ō taipitopito

He māmā noa iho te rēhita, te tiroiro, te whakahou rānei i ō taipitopito. Haere tuihono ki vote.nz hei tiro mēnā kua rēhita koe. Ka taea e koe te rēhita, te whakahou rānei ō taipitopito i vote.nz mā tō raihana taraiwa o Aotearoa, te uruwheua o Aotearoa, te tuakiri whakatūturu o RealMe, waea rānei ki **0800 36 76 56** hei tono mō tētahi puka rēhita kia tukuna ki a koe.



Me moata te pōti

Ka tū te pōtitanga motuhake o Tauranga ā te Rāhoroi te 18 o Hune. Me moata te pōti kia iti ake te wā e pau ki te rārangi tū – ehara i te mea me tatari koe mō te rā pōti ki te tuku pōti.

Ka tuwhera ngā pōti: Rāhoroi 4 Hune

Ka kati ngā pōti: 7.00pm i te rā pōti, Rāhoroi 18 o Hune



Rohe pōti o Tauranga

Kei roto i te rohe pōti o Tauranga ko te tāonenui o Tauranga me ōna takiwā paetata, e roherohetia ana ki te uru mā te awa o Wairoa, ā, ki te rāwhiti mā te kōawa o Waiōrohi. Kei roto ko Mauao me Te Taunga Rererangi o Tauranga.



Te pōti i roto i te pōtitanga motuhake o Tauranga


Ka taea e koe te pōti atu i te Rāhoroi te 4 o Hune ki te Paraire te 17 o Hune i tētahi wāhi pōti tōmua. Ka taea anō e koe te rēhita, tiroiro, whakahou rānei ō taipitopito i taua wā anō.

He rerekē ngā rā me ngā wā ina huaki ana ngā wāhi pōti tōmua. Me tiroiro i mua i tō haere ki vote.nz.

I te rā pōti, te Rāhoroi te 18 o Hune, ka tuwhera ngā wāhi pōti katoa mai i te 9am ki te 7pm. Ka taea e koe te rēhita i te rā pōtitanga, engari me tuku anō e koe he pōti motuhake, ā, he roa ake tēnei.

Ka wātea mai ngā kōrero mō ngā wāhi me te wā pōti, ā, me te hunga hei pōti māu, mai i te 4pm Tūrei te 17 o Mei i vote.nz, me waea atu rānei ki **0800 36 76 56**. Ka whakaurua anō ki tō mōki EasyVote.

Tō aratohu mō te pōti i te pōtitanga motuhake o Tauranga



ELECTORAL COMMISSION
TE KAITIAKI TAKE KŌWHIRI

Me pēhea te pōti

1 Ngā whakaritenga haumarū KOWHEORI-19

Ka mau ārai kanohi ngā kaimahi i ngā wāhi pōti. E whakahau ana mātau i a koe kia mau ārai kanohi anō. E wātea ana he ārai kanohi mēnā ka hiahia koe i tētahi. Kei reira tētahi wē patuero ringa hei whakamahi, ā, mēnā e hiahia ana koe, ka āhei koe ki te heri mai i tāu ake pene hei māka i ō pepa pōti.


2 Heria mai tō kāri EasyVote

Heria atu tō kāri EasyVote i te mea ka tere ake tō pōti. Ka taea tonu e koe te pōti ki te wareware i a koe tō kāri, kāore i a koe tētahi rānei.



3 Me whaiwhai i ngā tohutohu


Ka tohutohia koe e ngā kaimahi pōti me aha koe, me haere koe ki hea. Ka whakahaeretia anō e rātau ngā rārangi kia whānui ai te tū wehewehe.



4 Pōti i te pōtitanga motuhake o Tauranga

Kotahi anake tō pōti, mō te kaitono e hiahia ana koe hei mema Pāremata mō tō rohe.

He rerekē tēnei ki te pōtitanga whānui ina e rua kē ō pōti – kotahi mō te rōpū tōrangapū, kotahi hoki mō te mema o tō rohe.



5 Tō pōti rohe pōti

Ko tō pōti rohe pōti hei kōwhiri i te kaitono e hiahia ana koe kia uru hei mema Pāremata (MP) mō te rohe e noho ana koe. Ko te kaitono kei a ia te nuinga o ngā pōti i tō rohe pōti ka uru ko ia hei MP mō tō rohe pōti.

Ki tō pepa pōti, me tohu ki te taha o te ingoa o te kaitono e hiahia ana koe hei māngai mō tō rohe.

6 Kuhuna tō pepa pōti ki roto i ngā pouaka pōti

Koinā noa iho – kua pōti koe!



Ki hea tiki mōhiohia atu anō ai mō te rēhita me te pōti

- Haere ki [vote.nz](https://www.vote.nz)
- Waea ki **0800 36 76 56**
- Haere ki [facebook.com/voteNZ](https://www.facebook.com/voteNZ)

Mēnā e mōhio ana koe ki tētahi e whaitake ai ēnei kōrero ki a ia, me whakamōhio atu i a ia.

E wātea anō ngā mōhiohia mō te rēhita me te pōti i roto i ētahi atu reo i [vote.nz](https://www.vote.nz)



Whakamahia tēnei waehere QR i roto i ētahi atu reo me te uru ki ngā hōputu e wātea ana.



Kāore e tae atu ki tētahi wāhi pōti?

Mēnā he uaua te tae atu ki tētahi wāhi pōti, kāore e taea rānei, e wātea ana ngā kōwhiringa maha hei whakarite ka taea tonu e koe te pōti. Mēnā kei tētahi whare okioki koe, ka whakapā atu te Kaiwhakahaere Rohe Pōti ki te kaiwhakahaere o tō whare okioki ki te whakarite i ngā ratonga pōti.

Mēnā kāore koe e tae atu ki tētahi wāhi pōti nā mea kei rō hōhipera koe, mai i te Rāhoroi 4 o Hune, ka āhei tētahi hoa, tētahi o te whānau rānei ki te heri mai i ō pepa pōti.

Mēnā kāore koe e tae atu ki tētahi wāhi pōti i te mea kei te pāngia koe e te KOWHEORI-19, kei te noho taratahi rānei koe, kei te mate rānei koe, kāore e taea te tino nekeneke rānei, ka taea e koe te tiki āwhina ki te pōti. Rapu mōhio atu anō i [vote.nz](https://www.vote.nz), waea rānei ki **0800 36 76 56** ki te kōrero mō ō kōwhiringa.



Te pōti i tāwāhi

Mēnā kei te pōti koe mai i tāwāhi, me mātua rēhita koe i mua o te Paraire 17 o Hune. Ka taea e koe te rēhita, te whakahou rānei i ngā taipitopito i [vote.nz](https://www.vote.nz)

Ka taea e koe te pōti mai i tāwāhi atu i te Wenerei 1 o Hune tae noa ki te 7.00pm o te Rāhoroi 18 o Hune (wā Aotearoa).

Ko te tikanga māmā rawa me te tere mō te pōti mai i tāwāhi me tikiaka ka tā i ō pepa pōti ka tukuatu i [vote.nz](https://www.vote.nz)

Ka taea anō pea e koe te pōti ā-tinana i tō wāhi pōti tūtata i tāwāhi, me pātai atu rānei kia tukuna ngā pepa pōti ki a koe. Mēnā kāore he take o ēnei kōwhiringa ki a koe, me whakapā mai. Kei runga ēnei kōwhiringa i te āhuatanga o te KOWHEORI-19 i tō rohe.

Tirohia [vote.nz](https://www.vote.nz) mō ngā mōhiohia hou rawa mō te pōti mai i tāwāhi. Mēnā me whiwhi āwhina koe ki te pōti mai i tāwāhi, me whakapā mai.

Īmēra: overseas@vote.nz

Waea mai i tāwāhi: +64 9 909 4182

(ka pā pea ngā utu waea i tāwāhi)

Waea mai i Aotearoa: 0800 36 76 56



Kei te hiahia āwhina ki te pānui, te māka rānei i ō pepa pōti?

Mā tētahi hoa, tētahi o te whānau, he āpiha pōti rānei koe e āwhina ki te pānui, te māka rānei i tō pepa pōti. Ka āhei taua tangata ki te:

- whai i a koe ki muri o te pātū pōti
- pānui i ngā kupu me ngā mōhiohia ki te pepa pōti
- māka i te pepa pōti mōu mēnā ka tono koe.

Kāore e taea e ia koe te tohutohu me pōti koe mō wai i te pōtitanga motuhake o Tauranga.

Mēnā kei te pura koe, kei te āhua pura koe, he hauātanga rānei tōu e kore e taea e koe te māka ō pepa pōti me te kore āwhina, ka taea e koe te pōti mā te ratonga takikōrero ā-waea.

Me rēhita koe ki te whakamahi i tēnei ratonga. Waea ki **0800 028 028** ka tīpako i te kōwhiringa 1 hei rēhita.

Ka taea e koe te rēhita mai i te Tāite 12 o Mei tae noa ki te 12pm te Rāhoroi 18 o Hune.

Haere ki [vote.nz](https://www.vote.nz) ki te rapu mōhio anō mō tēnei ratonga.